



## TUSAGASSIORFINNUT NALUNAARUT

Nuuk, ulloq 15. feb. 2016

### **ILLOQARFIIT ARLALLIT 2016-IMI IKIUP TIKERAASSAVAI**

*IKIUp paasititsiniaalluni Kalaallit Nunaanni angalasarnini 2016-imi nangissavai.*

IKIU ukiumoortumik Kalaallit Nunaanni paasititsiniaaffiusumik angalasarpoq, ukioq mannalu ilaatigut Paamiut, Qaanaaq, Ittoqqortoormiit, Uummannaq Qeqertarsuullu Tunua tikinneqassapput.

Paasititsiniaalluni angalanerni IKIU-p suliai pillugit innuttaasut annertunerusumik tusagaqarnissamut inatsisitigullu siunnersorneqarnissamut periarfissaqarput. Ilaatigut avinneq, akilersuutit, angajoqqaatut oqartussaassuseqarneq, atorfeqarnermut soraarsitaanermullu tunngasut, inimit attartukkamit anisitaaneq, inissiamit nuunnermi akiligassat, pisineq, isumaqatigiissutit kingornussinermullu tunngasut.

Pilersaarutaagallartut:

Marsip 29-at Paamiut, apriliip 20-at Qaanaaq og juunip arfineq-pingajuat Ittoqqortoormiit. Ukiamut Uummannaq Qeqertarsuullu Tunua IKIUp tikeraassavai.

Angalanerit IKIU-mit aamma Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfiup Tipsernermit Lottornermillu aningaasaliissutaanit aningaasalersorneqarput. Aningaasaliissutit taakku illoqarfinni IKIUp tikeraarfiini ilinniartinnit Piareersarfinnilu paasisitsiniaanissamut naatsorsuussaapput.

IKIU-mit siunnersorneqassagaanni ukiumut isertitat kisimiittuugaanni 294.000,00 kr. imaluunniit aappariugaanni 374.000,00 kr. killigitinneqarput. Qitorneqaraanni 18-it inorlugit ukiulinnik, isertitat killigitinneqartut meeqqamut ataatsimut 51.000,00 kr.-iupput.

Allattoqarfimmi sulisoq inatsisitigullu siunnersuisartuq angalaanermi peqataassapput.

*Annertunerusumik paasisaqaarusukkaanni saaffissaavoq allaffimmi pisortaq Sofia Rossen, mobil 52 45 48.*



Inatsisitigut Siunnersuisarfik Namminersortuutitaq

Den Selvejende Retshjælpsinstitution

Samuel Kleinschmidtsvej 10, Postbox 1318, 3900 Nuuk - Tlf. 324548 – Fax: 314548 - [www.ikiu.gl](http://www.ikiu.gl)